



Jambatan yang tertera di atas ini terentang di atas sungai bernama ((Khasah Jai)) airnya kering sepanjang musim panas kecuali pada musim sejuk airnya penuh melimpah mengairi perkebunan sekeliling Kirkuk. Di tepi tebing sungai itu terdapat penduduk-penduduk tempat mengambil angin dan minum-minum sambil berehat di waktu petang. Jambatan itulah yang menghubungkan bandar Kirkuk lama dengan yang baharu. Di seberang sungai kelihatan bandar lama bernama ((al-Şuwb al-Kabir)) di mana kubu-kubu telah di bina di sana sejak dahulu kala oleh Raja Chaldean ((Nebuchadnezzar)) yang menjadi bekas-bekas peninggalannya. Bangunan-bangunan baharu telah dibina di atas kubu-kubu lama bandar Kirkuk menghala ke jalan raya yang di kelilingi pula pagarnya dengan tanaman-tanaman yang menghijau subur.